

27/01/1998

PM ajak ketepi soal politik

KOTA BHARU, Isnin - Datuk Seri Dr Mahathir Mohamad mengajak segenap lapisan rakyat mengetepikan soal politik, sebaliknya berpadu menumpukan usaha bagi membantu memulih dan mempertahankan kedudukan ekonomi negara.

Perdana Menteri berkata, masalah ekonomi negara sekarang bukan saja membabitkan parti yang mendukung kerajaan, malah semua pihak turut menerima padah dan bahangnya.

"Oleh itu amat penting perpaduan perlu dipertahankan. Jika kita tidak dapat pertahankan, ia bukan saja membabitkan kerajaan atau parti kerajaan menderita tetapi semua puak dan kumpulan turut menerima bahangnya," katanya.

Beliau berkata demikian sebelum majlis berbuka puasa di kediaman Menteri Pembangunan Luar Bandar, Datuk Annuar Musa, di Sri Puri, Bukit Marak, dekat sini, petang ini.

(END)